



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2016 жылғы 26 шілде

ҚР Ұлттық Банкі жеке тұлғалардың депозиттері бойынша сыйақының ең жоғарғы мөлшерлемесін бұрынғы деңгейде сақтап отыр – Ғ.Пірмазов

Базалық мөлшерлеменің 15%-дан 13%-ға дейін төмендегеніне қарамастан, жеке тұлғалардың жаңадан тарылатын депозиттері бойынша «Қазақстанның депозиттерге кепілдік беру қоры» АҚ ұсынған сыйақының ең жоғарғы мөлшерлемелерінің мөлшерлері ағымдағы деңгейде сақталып қалды: ұлттық валютадағы депозиттер бойынша 14% және шетел валютасындағы депозиттер бойынша 2%. Бұл туралы ҚР ҰБ Төрағасының орынбасары Ғалымжан Пірмазов хабарлады.

Оның айтуынша, базалық пайыздық мөлшерлеме деңгейін төмендету туралы шешім экономикаға салынатын ақша құнының төмендеуі үшін алғышарттар жасайды.

Сонымен қатар, 2016 жылғы 1 ақпаннан бастап жеке тұлғалардың теңгемен депозиттері бойынша сыйақының ең жоғарғы мөлшерлемесін жеке тұлғалардың шетел валютасымен депозиттері бойынша сыйақының ең жоғарғы мөлшерлемесін бірізді деңгейде төмендете отырып көтеру туралы шешім өсіп жатқан инфляция жағдайында халықтың ұлттық валютадағы салымдарының тартымдылығын арттыру және сақталуын қамтамасыз ету үшін қабылданды, деп толықтырды Ғ.Пірмазов.

«Қабылданған шара халық салымдарының валюталық құрылымына жағымды әсер етті», - деп атап өтті Ғ.Пірмазов. Мәселен, ҚР ҰБ деректері бойынша, халықтың ұлттық валютадағы салымдарының көлемі 2016 жылғы ақпан-маусымда 61,8%-ға ұлғайып, 2 285 млрд. теңге болды, ал шетел валютасындағы салымдарының көлемі осы кезеңде 16,7%-ға 4 811 млрд. теңгеге дейін төмендеді. Халықтың шетел валютасындағы салымдарының үлесі 2016 жылғы қаңтардағы 80,4% болған ең жоғарғы мәннен 2016 жылғы маусымда 67,8%-ға дейін төмендеді.

«Теңгемен депозиттер бойынша ұсынылған мөлшерлеме ол енгізілген 2015 жылғы қыркүйектен бастап алғаш рет базалық мөлшерлемеден асып кетті және қазіргі уақытта Ұлттық Банктің өтімділік беру жөніндегі операциялары бойынша мөлшерлеменен сәйкес келеді», - деп толықтырды Ғ.Пірмазов.

«Ұлттық Банк банктік қызметтер нарығындағы жоғары бәсекелестік жағдайында депозиттер бойынша баға белгілеу нарықтық жағдайларда қалыптасады деп күтеді және банктер тартылатын депозиттер бойынша мөлшерлемелерді өз бизнес-стратегияларына қарай белгілейтін болады», - деді Ғ.Пірмазов. Сонымен бірге ол ақша нарығында жүргізіліп отырған пайыз саясатына және базалық мөлшерлеменің деңгейіне қарамастан, «Қазақстанның депозиттерге кепілдік беру қоры» АҚ ұсынатын жеке тұлғалардың депозиттері бойынша сыйақының ең жоғарғы мөлшерлемесінің деңгейін Ұлттық Банктің өзгертуді жоспарлап отырмағанын атап өтті.

Толығырақ ақпаратты мына телефондар бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz